



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiae S. Thomae Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romae, 1619**

Vtrum character ordinis præsupponat characterem baptismatum? 3

**urn:nbn:de:hbz:466:1-38817**

nam ad sacramentorū dispensationem: sicut ostia-  
rij habent actum admittendi homines ad diuinorum  
sacramentorum inspectionem, & sic de alijs: & ideo  
in omnibus requiritur spiritualis potestas.

Ad secundum dicendum, quod quantumcumque  
homo ad laicatum se transferat, semper tamen manet  
in eo character \*: quod patet ex hoc, quod si ad  
clericatum reuertatur, non iterum ordinem, quem  
habuerat, suscipit.

Ad tertium dicendum, sicut ad primum.

ARTIC. III.

*Virum character ordinis presupponat characterem  
baptismalem?*

Ad tertium sic proceditur. Videtur, quod chara-  
cter ordinis non presupponat characterem bap-  
tismalem. Quia per characterem ordinis homo effi-  
citur dispensator sacramentorum; per characterem  
baptismalem susceptivus eorundem. Sed potestas acti-  
ua non presupponit de necessitate passivam, quia po-  
test esse sine ea: sicut patet in Deo. Ergo character  
ordinis non presupponit de necessitate characterem  
baptismalem.

¶ 2 Præterea, Potest contingere, quod aliquis  
non sit baptizatus, qui se baptizatum existimat pro-  
babiliter. Si ergo talis ad ordines accedat, non con-  
sequitur characterem ordinis, si character ordinis  
presupponit characterem baptismalem: & sic ea quæ  
facit vel in consecratione vel in absoluteione, nihil  
erunt. Et in hoc Ecclesia decipietur: quod est in-  
conueniens.

SED contra, Baptismus est ianua sacramentorum.  
Ergo cum ordo sit quoddam sacramentum, presuppo-  
nit baptismum.

RESPONDEO dicendum, quod nihil potest ali-  
quis recipere, cuius receptivam potentiam non ha-  
bet; per characterem autem baptismalem, efficitur  
homo receptivus aliorum sacramentorum. Vnde qui  
characterem baptismalem non habet, nullum aliud  
supplementum.

T sacra-

\* Aug.  
lib. 2. con.  
epi. Par.  
c. 13. &  
de bapt.  
cont. Do-  
natist. li.  
1. c. 1.  
142

sacramentum recipere potest: & sic character ordinis, baptismalem characterem praesupponit.

Ad primum ergo dicendum, quod in eo qui habet potentiam actiuam a se, potentia actiuam non praesupponit passiuam: sed in eo qui habet potentiam actiuam ab alio, praerogatur ad potentiam actiuam potentia passiuam, quae recipere possit potentiam actiuam.

Ad secundum dicendum, quod talis si ad sacerdotium promoueatur, non est sacerdos, nec conficere potest, nec absolueri in foro poenitentiali. Unde secundum Canones \* debet iterato baptizari & ordinari. Et si etiam in Episcopum promoueatur, illi quos ordinat non habent ordinem: sed tamen pie creditur potest, quod quantum ad ultimos effectus sacramentorum, summus Sacerdos supplet defectum, & quod non permitteret hoc ita latere, quod Ecclesiae posset periculum imminere.

## ARTIC. IV.

*Vtrum character ordinis praesupponat de necessitate characterem Confirmationis?*

143

**A**D quartum sic proceditur. Videtur, quod character ordinis praesupponat de necessitate characterem confirmationis. Quia in his quae sunt ordinata ad inuicem, sicut medium praesupponit primum, ita ultimum praesupponit medium. Sed character confirmationis praesupponit baptismalem quasi primum. Ergo character ordinis praesupponit characterem confirmationis quasi medium.

¶ 2 Præterea, Qui ad alios confirmandos ponuntur, maxime debent esse firmi. Sed illi qui sacramentum ordinis suscipiunt, sunt aliorum confirmatores. Ergo ipsi maxime debent habere sacramentum confirmationis.

**S**ED contra, Apostoli receperunt potestatem ordinis ante ascensionem, Ioan. 20. ubi dictum est eis: Accipite Spiritum sanctum, &c. Sed confirmatio est post ascensionem per aduentum Spiritus sancti. Ergo ordo non praesupponit confirmationem.

R. E.

*In decr.  
li. 3. tit.  
42. & est  
de pres-  
bytero nō  
baptiza-  
to c. 1. &  
3.*